

# ৪ ঘণ্টা পর পরিস্থিতি স্বাভাবিক, ক্যাম্পাসে ফিরেছেন শিক্ষার্থীরা

ইত্তেফাক ডিজিটাল ডেস্ক

প্রকাশ : ২৭ জানুয়ারি ২০২৫, ০৩:৪০



ঢাকা বিশ্ববিদ্যালয় (ঢাবি) ও ৭ কলেজের মধ্যে দীর্ঘ প্রায় ৪ ঘণ্টার সংঘর্ষ-ধাওয়া পালটা ধাওয়া শেষে নিউমার্কেট এলাকার পরিস্থিতি স্বাভাবিক হয়েছে। এসময় ঢাবি প্রক্টরের সঙ্গে ক্যাম্পাসে ফিরেছেন ঢাবি শিক্ষার্থীরা।

 [দৈনিক ইত্তেফাকের সর্বশেষ খবর পেতে Google News অনুসরণ করুন](#)

সোমবার (২৭ জানুয়ারি) দিবাগত রাত আড়াইটার পর প্রক্টর ঘটনাস্থলে উপস্থিত হয়ে বিশ্ববিদ্যালয়ের শিক্ষার্থীদের শান্ত হয়ে ক্যাম্পাসে ফিরে আসার আহ্বান জানালে প্রক্টরের সঙ্গে শিক্ষার্থীরাও ক্যাম্পাসে ফিরে আসেন।

এসময় ঢাবি শিক্ষার্থীরা- ‘বাতিল বাতিল বাতিল চাই, অধিভুক্তি বাতিল চাই’, ‘বাতিল বাতিল বাতিল চাই, ৭ কলেজ বাতিল চাই’, ‘আমার ভাই আহত কেন, প্রশাসন জবাব চাই’- ইত্যাদি স্লোগান দিতে থাকেন।

সরেজমিনে দেখা যায়, নিউমার্কেট-নীলক্ষেত এলাকার পরিস্থিতি স্বাভাবিক রয়েছে। এসময় ঢাকা বিশ্ববিদ্যালয় ও ৭ কলেজের শিক্ষার্থীরা নিজ নিজ ক্যাম্পাসে ফিরে যেতে দেখা যায়।

এসময় প্রক্টর বলেন, আগামীকাল ৭ কলেজ ইস্যুতে মিটিং ডাকা হয়েছে। আমরা অধিভুক্তি বাতিল বিষয়ে মন্ত্রণালয়ে অনেক আগেই চিঠি দিয়েছি। আমরাও ৭ কলেজকে আমাদের সঙ্গে রাখতে চাই না। আমরা ২০২৪-২৫ সেশন থেকেই তাদের বাদ দেওয়ার চিন্তা করেছি।

তিনি আরও বলেন, এখন পর্যন্ত ঢাকা বিশ্ববিদ্যালয়ের ৮-৯ জন আহতের কথা জানতে পেরেছি। তাদের ঢাকা মেডিকেল কলেজ হাসপাতালের চিকিৎসা দেওয়া হচ্ছে।